

射

書

射書 卷四

西神矍圃顧烜銘栢集

國朝學校大射禮制

古之射禮有五。國朝次第行之。詔成均博士弟子及郡縣庠序之士。皆使習射。以俟貢舉。凡遇郊廟之祭。先期命文武官執事。行大射之禮。其儀具後。

洪武二年。詔天下府州縣立學校。學者專治一經。以禮樂射御書數設科分教。三年定學校射儀。前期戒

射定耦。選職事充司正。副司正。司射。司射器。請射舉
爵。收矢執旗。樹鵠陳設如圖儀。是日執事者入就位。
請射者引主射正官及各官員子弟士民俊秀者各
就品位。司射器者以弓矢置於各正官及司射前。請
射者詣正官前。揖畢。引詣司射器前。授弓矢。畢。引
復本位。司正執筭入立於中後。請射者詣司射前曰。
請誘射。引司射二人耦進。各以三矢。搢於腰帶之右。
以一矢挾於二指之間。推年齒相讓。年長者為上射。

年幼者為下射。上射先進詣射位。向鵠正立發矢。司

正書中投筭置於中。

或副司正書中

舉旗者舉旗如式。上射

射畢。退立於傍。讓下射者詣位發矢。書中舉旗如前。

請射者俱引復位。收矢者收矢。復於射者。司正取所

中筭。請射者次請士民俊秀射。次請官員子弟射。次

請品畢。至高品者射。其就射位發矢。取筭書中舉旗

收矢。復位皆如式。俱畢。司正副司正各持筭白中於

主射正官。舉爵者酌酒。授中者飲之。中的者三爵。中

采者二爵。飲訖。請射者。請屬官以下。仍捧了矢。納於司射器。還詣主射正官前。圓揖而退。射器及執事官。工部制虎中鹿中及諸侯卿大夫射侯等器。其儀按周禮大司馬之職。王大射則合諸侯之耦。其屬有射人掌張三侯。司弓矢掌六弓八矢之法。服不氏掌贊張侯。以旌居之而待獲。古大司馬。今兵部之職。今以兵部掌之。其射鵠有七。虎鵠五采。天子射用。熊鵠五采。皇太子射用。豹鵠五采。親王射用。豹鵠四采。一品

二品文武官射用。糝鵠三采。三品至五品文武官射用。抓鵠二采。六品至九品文武官射用。布鵠無采。文武官子弟及士民俊秀射用。乏。又名容。凡射時置於鵠右。執旗及待獲者以蔽身。設楅并常。當射時置於前。以齊矢。設射中五皮。樹中。天子大射用之。間中。天子宴射用之。虎中。皇太子親王射通用之。兕中。一品至五品文武官用之。鹿中。六品至九品及文武官子弟士民俊秀通用之。其職事。設司正官二員。掌驗射。

者品級尊卑。人力強弱而定耦。其中否則書於筭。兵部官職之。司射二員。掌先以強弓射鵠誘射。以鼓衆氣。以武職官克之。司射器官二員。掌辨弓力強弱。分爲三等。驗人力強弱而授之。工部官職之。舉壽者二員。掌以馬湏授中者飲。光祿寺官職之。請射者司員。掌定耦射。畢再請某耦射。每鵠用一人。侍儀司職之。待獲者掌矢。納於司射器者。以各隸僕供其役。執旗者六人。掌於容後。執五色旗。如射者中的。舉紅旗。

應之中采舉采旗應之。偏西舉白旗。偏東舉青旗。過於鵠舉黃旗。不及鵠舉黑旗。以軍士二人掌之。設引禮二人。掌引文武官進退。命侍儀司舍人職之。

隆慶初年。兵科給事中楊一魁疏請。乞將天下儒學生員。許兼武經。而肄習之。責令提督學校。加意考試。今後鄉會試。於三場五策中。即武經中。兼自古有將略者。發為策問二道。以觀其蘊藉。擇其通曉韜略。而不專于章句者。揭曉疏名。奏請獎勵。仍造一冊。送吏

部以備選用。如有提學并鄉會官不看實舉行者。許
兩京科道官指名叅奏。

國朝武舉制

武舉之法。試其謀略藝能。列其等第而推用之。累朝選試陞用法各不同。具列于後。

洪武六年癸丑。定教練軍士律。凡騎卒必善馳射及鎗刀。步軍必善弓弩及鎗。凡射十二箭內。六箭遠可到近可中者。為試中。遠可到。將士以一百六十步。軍士以一百二十步。近可中。以五十步。凡射弩。每用十一箭內。五箭遠可到。蹶張以八十步。軍以六十步。凡

用鎗以進退習熟為中試。

洪武十六年癸亥。令天下衛所選善射者十之一。於農隙月。輪班赴京較試。不中者指揮千百戶有罰。各選軍士。就於本衛較射。

正統初年。令天下軍衛子弟多習儒業。延至遼徼亦建學設官以教之。其在京師勲戚子孫襲爵及被選尚主者。亦學於國子監。至於各衛幼官。與子弟未襲職者。資多可教。於是兩京並建武學。

此設武學之始。儲養訓

習以備任用。其子弟有志科目者。聽仍設經授訓導。品秩俸廩。如京府儒學之制。奏定條教。每日於小學論語孟子大學內一本。武經七書百將傳內一本。每日總授不過二百字。令其熟讀。每三日一溫。就於所讀書內。取一節講說大義。使之通曉。都指揮等官。年長者。令五日一會聽講。其會講之日。教授訓導咸在。各官齊班。祇揖立聽。執子弟禮。有未曉者。許其請問。再為解說。務使粗知大義。提督御史下學。悉依憲綱。

禮義。勉勵官員子弟稽考勤惰。量加警飭。又武職五十以上者。操練聽講。以下者入學讀書。

天順八年。令天下文武衙門各詢訪所屬官員軍民人等有通曉兵法。謀勇出衆者。送公各舉。送巡撫巡按會同三司官考試。直隸。送巡按御史考試。中者禮送兵部會同總兵官。於帥府內試策略。教場內試弓馬。答策二問。騎中四矢。步中二矢以上者。為中式。官量加署職二級。旗舍餘丁授所鎮撫民。授各衛試經。

歷俱月支米三石。若答策二問。騎中二矢。步中一矢。以上者次之。官量加署職一級。旗舍餘丁授冠帶總旗。民授各衛試知事。俱月支米二石。並送京營量用。把總管隊聽調。有功照例陞賞。

弘治六年。定武舉試策二道。文理優。韜略熟。及射中式者。陞二級。文不甚優。射雖偶中。止陞一級。雖善行文。射不中式。及射雖合式。策不佳者。俱暫黜。以候再試。中者送團營。或分送各邊。俱贍畫。或把總。或守備。

城堡免令管隊後。每六年九月一次考試。軍衛有司果有才堪應舉者。聽於應試之期。禮送赴部。考退生員。并曾經問斷行止有虧者。不許。凡再試不中者。發回原籍供本等職役。後又令先策略。後弓馬。如策不佳。即不許騎射。或啓策雖佳。不能騎射者。亦黜。後又令中式舉人。添支月米。遇陞用之日。即與住支。十七年奏准武舉三年一次舉行。一日答策。次日射箭。考試策畧。弓馬俱畢。中式者照例擬陞。仍將中試。

姓名倣文舉事例。出榜賜宴。俱送團營聽用。願回原籍者。許撫按官推選軍政。

正德三年。兵部尚書劉大夏題准。參酌會殿二試事例。少加損益。每遇文舉鄉試之年。亦將武舉預期行。移南北二京并十三省。令其轉行軍民大小衙門。出給告示。曉諭各色人等。如有究極韜略。精通武藝。身家無碍。堪應武舉者。或隱於山林。或育於學校。或羈於戍卒。或系於任籍。各赴所在官司。投報籍貫脚色。

查審明白。屬軍衛者。禮送該管都司。屬有司者。禮送本布政司。俱從巡撫都御史。并巡按御史。其南北二京。亦令軍衛有司。送南北直隸巡按御史。帶管考試。所考人材。如果謀畧多。馬可取。就令各該衙門禮送。兵部會萃數目。請於次年夏四月開科。兵部堂上官。并提京營總兵官。總領大綱。兵部司屬官。分理衆務。初九日。初場。較其騎。人發九矢。中三矢以上者。為合式。十二日。場。較其射。人發九矢。中一矢以上。

者為合式。俱於京營將臺前較閱。十五日三場試策。但地方濶曠。渙散雜處。耳剽目竊。難於關防。今令文場席舍內試之。差拔官軍防守。先期請命翰林院官二員為考官。給事中并屬官四員為同考試官。監察御史二員為監試官。臨期陞辭入院。試卷皆彌封。謄錄編號。上寫馬步中箭若干。送入內簾看詳分配等第。其答策有洞識韜略。謀猷宏遠。作論有能精通義理。文法整齊。參以弓馬俱優者。列上等。策論頗優。弓

馬不及。或弓馬稍次者。列於中等之前。弓馬頗優而策論但能粗知兵法。直說事狀。文藻不及者。列於中等之後。其或論策雖優。而弓馬不及。或弓馬偏長。而論策不通。俱非全材。黜之。俟以後舉。其考試日期。若遇風雨。恐騎射不便。隨時改移。一應有事於場屋官員。并中試之人。照依文舉例。梓其姓名。錄其弓馬策論之優者。裝演成帖。題曰武舉錄。刊進呈。仍出榜於兵部門首張掛。次日早。引赴御前叩頭畢。預事官俱

赴部中用樂筵宴。照文舉廷試事例。預行光祿寺
設辦宴席。預請欽定。并請命內閣重臣一人主席宴
畢。該管備鼓樂。職方司官二員送武舉第一人歸第。
其中試官生。陞級加俸。作論一道。答策一道。馬上中
四箭以上。步下又中二箭以上者。官員。於本職上加
署二級。其第一人。若係百戶以上官員。照例加陞。若
係百戶以下。合無不為常例。授以千戶職銜。就送團
營。贊畫以示崇異。其第二名以下。總旗授以試百戶。

小旗生員舍人俱授以試所鎮撫軍民人等授以各
衛試知事俱月支米三石作論一道答策一道馬上
中三箭以上步下又中一箭以上者官員於本職上
量加署職一級總旗授以署百戶小旗舍人俱授以
冠帶總旗生員授以各衛試知事軍民人等授以試
巡簡俱支月米二石通送京營總兵官處量用把總
等項聽候調用中間有愿回籍咨送巡撫官處照依
品秩委用。

嘉靖元年議准武舉官生兩京武學於兵部月考優等選取在外聽巡按御史考試選取每遇開科之期兵部堂上官并提督京營總兵官統領大綱兵部屬官分理衆務初場較騎射二場較步射俱於京營將臺前三場試策二道論一道於文場內先期請命翰林官二員為考試官給事中并部屬官四員為同考試官監察御史二員為監試官其答策有能洞識韜略作論有能精通文理叅以了馬俱優者中式其策

論雖優而弓馬不及。或弓馬偏長而策論不通。俱議
回候開科再考。中式官生。照文舉事例。梓名賜宴。仍
俱陞署職二級。月支米三石。指揮以上。斟酌推用。署
千戶百戶鎮撫總旗。俱送各邊總兵等官處。贊畫及
守堡聽調殺賊。應得俸糧。并加添米石。俱於原衛所
支給。獲有軍功。照例加陞。五年無功者。發回。六年
題准各邊總兵將贊畫武舉人員。量材發定衛所。照
依在邊各官。隨營供職。撫按官不時查考。如有掛名

不到。及攘買功次等弊。指實參奏。八年題准。取中武舉官生。各照陞授職事。俱月支米三石。內有應襲舍人。候襲替之日。照例加陞。通送團營。將臺下寄操。指揮於本衛都指揮在京者。於本衛。在外者。於本都司。各帶俸。俱候推用。千戶以下。照例分送各邊。聽撫按衙門委用。應得俸糧。并加添米石。俱於原衛所并今駐衛所支給。指揮等官。一時推用未及。若有願回原籍者。咨送撫按官處。照依品秩委用。千戶以下。除

能立軍功陞級外。其間果有才能出衆。曾於所在地。方贊謀効力者。不拘有無軍功。聽撫按官指寔薦舉。五年滿日。兵部酌量奏請。千戶量加署指揮職銜。百戶以下量加署千戶職銜。令把總備邊守口掌印。金書若能建奇功。一體超用。其贊畫官員五年滿日。兵部審驗才力有用。再發各邊贊畫五年。通前十年之上。再無軍功。又無薦舉。兵部再驗其才。委無可取。及年老殘疾。即將所加米石停止。其武舉所加署職。非

有軍功。雖遇例不得實授。加添月米。日後陞職所得俸米。過於所加三石之數。即將所加米石住支。止支本等俸給。前項官員。若有犯該革任帶俸閒住者。不論官職崇卑。但係武舉加陞俸米俱行停革。永不推用。應襲舍人。照例施行。十四年議准武舉千戶以下。不願贅畫者。查原籍原衛。如係邊方。兵部即咨各該撫鎮等官。酌量差委推用。其腹裏地方。行撫按衙門。兩京地方。悉聽兵部及行南京兵部。各量材委用。

以後雖無軍功。但積有幸勞。累經薦舉者。與指揮以
上一體推用。若十年以上未著賢勞。亦無薦舉。及審
年力雖有不堪。原非犯該革任帶俸閒住人員。各該
衛所開報前來。其原加米石。臨時議處。十七年令
武舉定於秋行。以後開科。定於九月行事。二十二
年議准武舉開設。務求真才。取人不必拘定名數。仍
照會試南北卷事例。分別邊方腹裏。以薊鎮昌平遼
東萬全宣府大同山西陝西延綏甘肅寧夏雲南貴

州為邊方。以燕京、衛、南直隸、浙江、江西、福建、山東、河南、湖廣、廣東、廣西、四川、河間、順德、大名、廣平、真定、保定為腹裏。如每科五十名。邊方取三十名。腹裏取二十名。二十六年題准武舉中式人。負其在腹裏。若有才堪邊用。願立邊功者。起送兵部再行考驗。革去贅畫名色。今送九邊總兵叅將。委領管軍殺賊。三十二年議准。三次鄉試中式武舉官生。查照文舉會試事例。免其再試。徑許赴京會試。

隆慶二年議准武舉中式者分邊腹二項。以後邊方有缺。即先推邊方第一人。腹裏有缺。即先推腹裏第一人。各挨次推用。一如文舉挨次法。四年議准凡天下軍民人等。力勝五百斤。或四百斤。三百斤以上。及武藝超衆者。府州縣呈送撫按。嚴加考較。如果藝勇不凡。量給衣巾。充爲武生。開科年分。除精通論策者。聽隨武舉入場。其餘候場事畢日。撫按復行驗中。行該府給文到部。會試之年。照例於武舉場畢。將各

送到選中之人。公同監試御史。通行考驗。不中者發回肄業。中者為首一人。量給冠帶。隨宜委用。餘俱分發薊鎮。其力舉五百斤者。留京為教師。食糧練軍。三年有成效。量陞職級。

萬曆二年。議准錦衣衛及各衛武舉千百戶等官。年深未經咨送效用者。俱送京營委用。限以三年。再無薦舉。即將武舉米石。照例住支。係世官者。止支本等俸糧。係旗軍舍餘。即令閒住。五年令御史監試武

舉嚴加巡察。有違犯者。照文舉例行。

已上俱載會典

禮記

古者諸侯之射也。必先行燕禮。卿大夫之射也。必先
行鄉飲酒之禮。故燕禮者。所以明君臣之義也。鄉飲
酒之禮者。所以明長幼之序也。故射者。進退周還。必
中禮。內志正。外體直。然後持弓矢審固。持弓矢審固。
然後可以言中。此可以觀德行矣。其節。天子以騶虞
為節。諸侯以貍首為節。卿大夫以采蘋為節。士以采
芣為節。騶虞者。樂官備也。貍首者。樂會時也。采蘋者。

樂循法也。采繁者樂不失職也。是故君子以備官為節。諸侯以時會天子為節。卿大夫以循法為節。士以不失職為節。故明乎其節之志。以不失其事。則功成而德行立。德行立則無暴亂之禍矣。功成則國安。故曰射者。所以觀盛德也。是故古者天子以射選諸侯。卿大夫士射者。男子之事也。因而飾之以禮樂也。故事之盡禮樂而可數為以立德行者。莫若射。故聖王務焉。是故古者天子之制。諸侯歲貢士於天子。天子

試之於射官。其容體比於禮。其節比於樂。而中多者。得與於祭。其容體不比於禮。其節不比於樂。而中少者。不得與於祭。數與於祭。而君有慶。數不與於祭。而君有讓。數有慶而益地。數有讓則削地。故曰射者射為諸侯也。是以諸侯君臣盡志於射。以習禮樂。夫君臣習禮樂。而以流亡者。未之有也。故詩曰。曾孫侯氏。四正具舉。大夫君子。凡以庶士。小大莫處。御于君所。以燕以射。則燕則譽。言君臣相與盡志于射。以習禮

樂則安則譽也。是以天子制之。而諸侯務焉。此天子之所以養諸侯而兵不用。諸侯自為正之具也。

孔子射於矍相之圃。蓋觀者如堵牆。射至於司馬使子路執弓矢。出延射曰。貫軍之將。亡國之大夫。與為人後者。不入。其餘皆入。蓋去者半。入者半。又使公罔之。衆序點揚觶而語。公罔之。衆揚觶而語曰。幼壯孝弟。耆耄好禮。不從流俗。修身以俟。死者不在此位也。蓋去者半。處者半。序點又揚觶而語曰。好學不倦。好

禮不變。旋期稱道不亂者。不在此位也。蓋勵有存者。
勵音僅。

射之為言者。繹也。或曰舍。去聲也。繹者。各繹已之志。

也。故心平體正。持弓矢審固。心平則持弓審而其巧。

能中。體正則持弓固而共力能運。持弓矢審固則射。

中矣。故曰為人父者以為父鵠。為人子者以為子鵠。

為人君者以為君鵠。為人臣者以為臣鵠。故射者各
射已之鵠。故天子之大射謂之射侯。射侯者射為諸

侯也。射中則得為諸侯。射不中則不得為諸侯。天子
將祭必先習射於澤。者所以擇士也已。射於澤而
後射于射宮。射中者得與於祭。不中者不得與於祭。
不得與於祭者有讓。削以地。得與於祭者有慶。益以
地。進爵絀地是也。

男子生。桑弧蓬矢六射。以射天地四方。天地四方者。男
子之所有事也。故必先有志於其所有事。然後敢用
穀也。飯上聲。食。謂也。

孔子曰。射者何以射。何以聽。循聲而發。而不失正鵠者。其惟賢者乎。若夫不肖之人。則彼將安能以中。詩云。發彼有的。以祈爾爵。祈求也。求中以辭爵也。酒者所以養老也。所以養病也。求中以辭爵者。辭養也。

周禮

射人掌國之三公孤卿大夫之位。三公北面。孤東面。卿大夫西面。其摯。三公執璧。孤執皮帛。卿執羔。大夫雁。諸侯在朝則皆北面。詔相其法。若有國事則掌其戒令。詔相其事。掌其治達以射法。治射儀。王以六耦射。三侯三獲三容。樂以騶虞。九節五正。諸侯以四耦射。二侯二獲二容。樂以狸首。七節三正。孤卿大夫以三耦射。一侯一獲一容。樂以采蘋。五節二正。士以三

耦射。矜侯一獲一客。樂以采繁。五節二正。

司弓矢。掌六弓四弩八矢之法。辨其名物而掌其守。歲與其出入。中春獻弓弩。中秋獻矢箠。及其領之王。弓孤。弓以授射甲草。檠質者。夾弓。庾。弓以授射矜侯。鳥獸者。唐弓。大弓以授學射者。使者勞者。其矢箠皆。從其弓。凡弩。夾。庾。利。攻。守。唐。大。利。車。戰。野。戰。凡。矢。枉。矢。絜。矢。利。火。射。用。諸。守。城。車。戰。殺。矢。鏃。矢。用。諸。近。射。田。獵。絜。矢。第。矢。用。之。弋。射。恒。矢。庫。矢。用。諸。散。射。天。子。

之弓合九而成規。諸侯合七而成規。大夫合五而成規。士合三而成規。句者謂之弊弓。凡祭祀共射牲之弓。矢澤共射。樁質之弓。矢大射燕射共弓。矢如數。并夾大喪共矐弓。矢凡師後會同。頒弓。弩各以其物。泛授兵之儀。田弋充籠箠。矢共矐。矢凡亡矢者弗用。則更。

弓人爲弓。取六材必以其時。六材既聚。巧者和之。幹也者以爲遠也。角也者以爲疾也。筋也者以爲深也。

膠也者。以為和也。絲也者。以為固也。漆也者。以為受霜露也。凡取幹之道。七。柘為上。櫟次之。楸桑次之。橘次之。木瓜次之。荆次之。竹為下。凡相幹。欲黑赤而陽聲。赤黑則鄉心。陽聲則遠根。凡析幹射遠者。用執深者。用直。居幹之道。菑栗不遠。則弓不發。凡相角。秋牯者厚。春牯者薄。穉牛之角直而澤。老牛之角紾而管。疾疾險中。瘠牛之角無澤。角欲青白而豐末。夫角之本。感於制。而付於氣。是故柔。故欲其執也。白也者。

執之徵也。夫角之中恒管有之畏也者必撓。故
欲其堅也。青也者堅之徵也。夫角之末遠於剗而不
付於氣。是故脆也。故欲其柔也。豐末也者柔之徵也。
角長二尺有五寸。三色不失理。謂之牛戴牛。凡相膠
欲朱色而昔也者。溪瑕而澤。紆而搏廉。鹿膠青白。
馬膠赤白。牛膠火赤。鼠膠餌。犀膠黃。凡昵之類不能
方。凡相筋欲小簡而長。大結而澤。小簡而長。大結而
澤。則其獸必剗。以此為子。則豈異於其獸。筋欲殺之。

故漆欲測。絲欲沉。得此六材之全。然後可以為良。凡為弓。冬析幹而春液角。夏治筋。秋合三材。寒奠體。冰析滸。冬析幹則易。春液角則合。夏治筋則不煩。寒奠體則張不流。冰析滸則審環。春被弦則一年之事。析幹必倫。析角無邪。斲目必荼。斲目不荼則及其大修也。筋代之受病。夫目也者必強。者在内而摩其筋。夫筋之所由憺。恒由此作。故角三液而幹再液。厚其帑則木堅。薄其帑則需。是故厚其液而節其帑。約之

不皆約。䟽數必作。斷摯必中。膠之必均。斷摯不中。膠之不均。則及其大修也。角代之受病。夫懷膠于內而摩其角。夫角之所由挫。恒由此作。凡居角長者。以次需恒角而短。是謂逆撓。引之則絀。釋之則不校。恒角而達。譬如終繼。非弓之利也。今夫焚解中有變焉。故校于挺臂中有拊焉。故剝。恒角而達。引如終繼。非弓之利。橋幹欲翫于火而無羸。橋角欲翫于火而無燂。引筋欲盡而無傷其力。鬻膠欲翫而水火相得。然則

居旱亦不動。居濕亦不動。苟有賤工。必因角幹之濕。以為之柔。善者在外。動者在內。雖善於外。必動於內。雖善於弗。可以為良矣。凡為弓。方其峻而高其相。長其畏而薄其敝。宛之無已。應下拊之。弓未應。將與為拊。而發必動於綢。弓而羽綢未應。將發。弓有六材焉。六者之中。幹角為急用。惟幹強之。弓以幹為強。以角

附幹而安。張如水流。

張之如水之順流。

維體防之。弓

往來之體。防其深淺之失。

引之中參。維角定之。欲宛

而無負弦引之如環。釋之無失體如環。材美工巧為之時。謂之參均。用幹勝一石如角勝二石者。被筋勝三石三者皆平曰三均。量其力有參均者。參謂之九和。合上材工時。角幹筋之六者。又以絲膠漆為之。輔九者相濟而和。九和之弓。角與幹權。筋三侔。膠三鈔。絲三邸。漆三剋。鈔。鈔相稱也。邸。相救也。剋。有所受也。上工以有餘。下工以不足。為天子之弓。合九而成規。為諸侯之弓。合七而成規。為大夫之弓。合五而成規。士

之弓合三而成規。弓長六尺有六寸。謂之上制。上士服之。弓長六尺有三寸。謂之中制。中士服之。弓長六尺。謂之下制。下士服之。凡為弓。各因其君之躬。志慮血氣。豐肉而短。寬緩以荼。若是者。為之危弓。危弓為之安。矢骨直以立。忿執以奔。若是者。為之安弓。安弓為之危。矢其人安。其弓安。其矢安。則莫能以速。中且不深。其人危。其弓危。其矢危。則莫能以遠。中往體多。來體寡。謂之夾。庾之屬。利射侯與弋。往體寡。來體多。

謂之王弓之屬。利射深。太。和。無。滑。其次筋角皆有滑而深。其
弓之屬。利射深。太。和。無。滑。其次筋角皆有滑而深。其
次有滑而疏。其次角無滑。合滑者。背手文。角環滑。牛
筋黃滑。麋筋斥蠟滑。和弓較摩。復之而角至。謂之句
弓。詳察謂之度極。善謂之至。角獨善而筋幹未善。謂
之句弓。之弊也。復之而幹至。謂之候弓。角善而幹
又善而筋獨未善。可以射侯。謂之候弓。復之而筋至
謂之深弓。非特角幹善而筋亦善。故疾而遠。又中深。

矢人為矢。鍤矢參分。箒矢參分。一在前。二在後。兵矢
田矢五分。二在前。三在後。殺矢七分。三在前。四在後。
參分其長而殺其一。五分其長而羽其一。以其筭厚
為之羽。深。水之以辨其陰陽。夾其陰陽以設其比。夾
其比以設其羽。參分其羽以設其刀。則雖有疾風亦
弗之能憚矣。刃長寸。圍寸。鋌十之重。三垓。前弱則俛。
後弱則翔。中弱則紆。中強則揚。四者強弱之失中也。

羽豐則遲。羽殺則趨。二若輕重之失節也。是故夾而

搖之。此言相矢之法。宜以指矢矢而搖之。以砥其量。

殺之。鄭也。以矢之輕重而知其量殺之。鄭。撓之。以指

撓其幹而曲之。以砥其鴻殺之。稱也。以矢之強弱而

知其鴻殺之。稱。凡相筭欲生而搏。同搏欲重。同重欲

疏。同疏欲案。

儀禮節略

大射之儀

君有命戒射。宰戒百官有事于射者。射人戒諸公卿大夫射。司士戒士射。與贊者前射三日。宰夫戒宰及司馬射人宿視條。司馬命量人量侯道與所設之。以狸步。大侯九十。參七十。干五十。設之各去其侯。西十北十。遂命量人巾車張三侯。大侯之崇見鵠於參。見鵠於干。不及地。武不繫。左下綱。設之西十北十。

凡乏用革樂人宿縣于阼階東笙磬西面其南笙鐘其南鐃皆南陳建鼓在阼階西南鼓應鼗在其東南鼓蕩在建鼓之間厥明司宮尊于東楹之西兩方壺膳尊兩甒在南有豐器用錫若絺綴諸箭蓋器加勺又反之皆立尊酒在北尊士旅食于西鐃之南北面兩圓壺又尊于大侯之左東北兩壺獻酒設洗設膳射人告具于公升即位于席西鄉小臣師納諸公卿大夫諸公卿大夫皆入門右北面東上士西方東

而北上。大夫在干侯之東北。北面東上。士旅食者在
士南。北面東上。小臣師沃者在東堂下。南面西上。公
降立于阼階之東南。南鄉。小臣師詔揖諸公。卿大夫。
諸公卿大夫西面北上。揖大夫。大夫皆少進。大射正
擯。擯者請賓。公曰。命某為賓。擯者命賓。賓少進。禮辭。
又命之。賓再拜稽首受命。賓及庭。公降一等。揖賓。賓
辟。公升。即席。奏肆夏。取觶洗。薦脯醢。設折俎。奠爵。小
臣納工。工六人。四瑟。乃歌鹿鳴三終。管新宮三終。司

射適次祖決遂執弓挾乘矢於弓外。見鏃於附。右巨指鉤弦。自阼階前曰。為政請射。遂適西階前。東面右顧。命有司納射器。射器皆入。君之弓矢適東堂。賓之弓矢與中箚豐皆止于西堂下。衆弓矢不挾。總衆弓矢。楅皆適次而俟。司射西面誓之曰。公射大侯。大夫射參。士射干。射者非其侯。中之不獲。卑者與尊者為耦。不異侯。大史許諾。遂比三耦。司射命上射曰。某御柝子。命下射曰。子與某子射。司射入于次。搢三挾一。

个出于次。西面揖。當階北面揖。及階。揖。升堂。揖。及物。
揖。誘射。三侯。將乘矢。始射于。又射參。大侯再發。卒。
射北面揖。及階。揖。降如升射之儀。遂取扑。搢之以立。
于所設中之西南東面。司馬師命負侯者執旌以負。
侯。作上耦射。上耦出次。西面揖。進。上射在左。並行。當。
階北面揖。及階。揖。上射先升三等。下射從之。中等升。
堂。司馬正適次。袒決遂。左執紃。右執蕭。南揚手。命去。
侯。負侯皆許諾以宮。趨直西。及之南。又諾以商。至之。

聲止。司馬正降自西階。遂適次。釋弓。說決拾。襲反位。司射進與司馬正交于階前。相左。由堂下西階之東。北面視上射。命曰毋射。獲毋獵。獲上射揖。司射退反位。乃射。上射既發。挾矢而后下射。拾炭以得乘矢。獲者坐而獲。舉旌以宮。偃旌以商。獲而未釋。獲卒射。右挾之。北面揖。如升射。上射降三等。下射少右。從之。中等並行。交于階前。相揖。適次。釋弓。說決拾。襲反位。三耦卒射。亦如之。司射去扑。倚于階西。適阼階下。

北面告于公曰。三耦卒射。反摯。扑反位。司馬正袒決。
遂執弓。右挾之。出與司射交于階前。相左。升自西階。
西南面揖弓。命取矢。負侯許諾如初。皆執旌以負其。
侯而俟。司馬正降自西階。北面命設楅。小臣師設楅。
委矢于楅。北括。司馬師坐乘之。若矢不備。司馬正命。
取矢如初。乃復求矢加于楅。卒。司射適西階西。倚扑。
升自西階。東面請射于公。許遂適西階上。命賓御。
于公。諸公卿則以耦告于上。大夫則降即位而后告。

司射自西階上北面告于大夫曰請降。司射先降。摯
扑反位。大夫從之降。適次立于三耦之南。西面北上。
司射東面于大夫之西。比耦。大夫與大夫。命上射曰。
其御於子。命下射曰。子與其子射。卒。遂比衆耦。衆耦
立于大夫之南。西面北上。若有士與大夫為耦。則以
大夫之耦為上。命衆耦一如命三耦之辭。諸公卿皆
未降。遂命三耦各與其耦。拾取矢。皆袒決遂執弓右
挟之上射東面。下射西面。司射作射如初。一耦揖升。

如初。司馬命去侯。負侯許諾如初。司馬降。釋弓反位。
司射請釋獲于公。許。大史釋獲。司射西面。命曰。中。
離維綱。楊觸相復。公則釋獲。衆則不與。唯公所中。
三侯皆獲。釋獲者命小史。小史命獲者賓降。取弓矢。
于堂西。諸公卿則適次。繼三耦以南。公將射。則司馬。
師命負侯。皆執其旌以負其侯而俟。司馬師反位。隸。
僕人埽侯道。司射去扑。適阼階下。告射于公。許。適。
西階東。告于賓。遂摺扑反位。小射正一人。取公之決。

拾於東楹上。一小射正授弓拂弓。皆以俟于東堂。司馬升命去侯如初。小射正取決興贊設決。朱極三。小臣正贊袒。公袒朱襦。卒袒。小射正又坐取拾興贊設拾。大射正執弓以袂順左右隈。左執肘右執簫以授公。親揉之。小臣師以巾內拂矢而授矢于公。稍屬大射正立于公復。以矢行告于公。下曰留。上曰揚。左右曰方。公既發。大射正受弓而俟。拾發以將乘矢。公卒射。小臣師以巾退反位。大射正受弓。小射正以

筭受決拾。退奠于站。上。讓位。小臣正贊。襲公還。而后
賓降。釋弓于堂西。反位于階西東面。公即席。司正以
命升賓。賓升復筵。而后卿大夫繼射。諸公卿取弓矢
于次中。袒決。遂執弓。搢三挾一个。出西面揖。揖如三
耦。升射。卒射降。如三耦。適次。釋弓。說決拾。襲反位。衆
皆繼射。釋獲皆如初。卒射。釋獲者。遂以所執餘獲。適
阼階下。北面告于公曰。左右卒射。反坐。委餘獲于中。
司馬袒執弓升。命取矢負侯如初。司馬降。釋弓如初。

小臣委矢于楅如初。而后卿大夫升就席。釋獲者遂進取賢。獲執之。由阼階下。北面于公。若右勝。則曰右賢於左。若左勝。則曰左賢於右。若左右鈞。則左右各執一筭以告曰。左右鈞。司射命設豐。司宮士奉豐。勝者之弟子洗解升酌。勝者皆袒決遂。執長了。不勝者皆襲說決拾。卻左手。右加弛了于其上。遂以執紃。皆升飲射爵于西階上。若賓諸公卿大夫不勝。則不降。不執了。耦不升受解于席以降。適西階上北面立飲。

卒反就席若飲公則侍射者降洗角觶升酌散降拜
擯者以命升賓賓升就席若諸公卿大夫之耦不勝
則亦執殽多特升飲乃撤豐與觶薦脯醢折俎司射
請射于公如初三耦拾取矢如初諸公卿大夫皆降
如初上射東面下射西面拾取矢如三耦衆射者繼
拾取矢皆如三耦司射適阼階下北面請以樂于公
公許命樂正曰命用樂正曰諾命大史曰奏狸首
間若一樂正反位奏狸首以射三耦卒射其他如初

儀羞庶羞。司正升受命。公曰。衆無不醉。賓及諸大夫皆興。對曰。諾。敢不醉。司射命射。惟欲。卿大夫皆降。再拜稽首。公荅拜。壹發中。三侯皆獲。主人洗自西階。獻庶子于阼階上。無筭爵。無筭樂。賓則庶子執燭于阼階上。司宮執燭于西階上。甸人執大燭于庭。闢人為燭于門外。奏陔賓所執脯以賜鍾人于門內。雷遂出。卿大夫皆出。公不送。入鷺。

儀禮

鄉射

鄉射之儀

主人戒賓。賓出迎。再拜。主人答。再拜。設席。乃張侯。下
網。不及地。武不繫。左下網中。掩束之。之參。侯道。居侯
黨之一。西五步。及門。主人出迎于門外。再拜。賓答。再
拜。三讓升。奠爵。薦脯醢。設折俎。大夫若有尊者。則入
門左。主人降。衆賓皆降。主人揖讓以賓升。大夫及衆
賓皆升。就席。工四人。二瑟。乃合樂。周南關雎。葛覃卷

耳召南鵲巢。巢繁采蘋。司正洗觶。升自西階。由楹內
適阼階上。北面受命于主人。西階上。北面請安于賓。
遂立于楹間。以相拜。未旅。三耦俟于堂西南面。東上。
司射適堂西。袒決遂。取弓于階西。兼挾乘矢。升自西
階。上北面告于賓曰。弓矢既具。有司請射。適阼階
上。東北面告于主人曰。請射于賓。許。司射降自西
階。前西面命弟子納射器。賓與大夫之弓倚于西
序。矢在下北括。衆弓倚于堂西。矢在其上。主人之

了矢在東序東。司射不釋了矢。遂以比三耦于堂西。
三耦之南。北面命上射曰。某御于子。命下射曰。子與
某子射。司正為司馬。司馬命張侯。弟子說東。遂繫左
下。細司馬又命獲者倚旌于侯中。獲者由西方坐。取
旌倚于侯中。乃退。樂正適西方。命弟子贊工。還樂于
下。弟子相工如初入。三耦皆袒決。遂有司左執附右
執弦而授弓。遂授矢。三耦皆執了。播三而挾一矢。司
射先立于所設中之西南東面。三耦皆進。當階北面。

揖及階揖升堂揖不去旌誘射將乘矢南面揖揖如
 升射遂適階西取扑摺之以反位司馬命獲者執旌
 以負侯作上耦射上耦揖進上射在左並行當階北
 面揖及階揖上射先升三等下射沒之中等升堂司
 馬適堂西不決遂袒執弓出于司射之南升自西階
 右執簫南揚弓命去侯獲者執旌許諾聲不絕以至
 于乏坐東面偃旌興而侯司馬降自西階釋弓襲反
 位司射進與司馬交于階前相左由堂下西階之東

北面視上射命曰無射獲無佩。獲上射揖司射退。反位乃射上射既發挾弓矢而后下射。拾發以將乘矢。獲者坐而獲舉旌以宮。偃旌以商。獲而未釋獲。平射皆執弓不挾。南面揖。如升射上射降三等下射少右送之。中等並行交于階前相揖。適堂西釋弓說決拾。襲而俟。三耦卒射太如之。司射去朴倚于西階之西升堂北面告于賓曰三耦卒射賓揖司射降揖。朴反位司馬袒執弓由其位南進與司射交于階前。

相左。升自西階。西南面揖。司馬命取矢。獲者執旌許諾。聲不絕。以旌負侯而侯。司馬降自西階。北面立于所設。福之南。命弟子設福。弟子取矢。北面坐。委于福北。括乃退。司馬襲進。當福南。北面坐。左右撫矢而乘之。若矢不備。則司馬又袒執弓如初。升乃復求矢加于福。司射倚朴于階西。升請射于賓。如初。賓許諾。主人大夫若皆與射。則遂告于賓。適阼階上。告于主人。主人與賓為耦。遂告于大夫。大夫雖衆。皆與士為耦。以

耦告于大夫曰。某御于子。西階上北面作衆賓射。司射降。搢扑。由司馬之南。適堂西立。比衆耦。衆賓將與射者皆降。繼三耦而立。東上。大夫之耦為上。若有東面者則北。上賓主人與大夫皆未降。司射力比衆耦。辭。遂命三耦拾取矢。皆袒決遂。執弓進立于司馬之西南。司射作上耦取矢。上射東面。下射西面。司射作射如初。一耦揖升如初。司馬命去侯。獲者許諾。司馬降。釋弓反位。司射請釋獲于賓。賓許。釋獲者執鹿中。

一人執筭以從之。司射遂進由堂下北面命曰。不貫
不釋。三耦卒射。賓主人大夫揖。皆由其階降。揖主人
堂東。袒決遂。執弓楯三挾一个。賓於堂西亦如之。階
下揖。賓序西。主人序東。皆釋弓說決拾。襲反位。及階
揖。升堂揖。皆就席。大夫袒決遂。執弓楯三挾一个。由
堂西出。于司射之西就其耦。卒射。揖如升射。皆釋弓
于堂西。襲耦遂止于堂西。大夫升就席。卒射。釋獲者
遂以所執餘獲。升自西階。盡階不升堂。告于賓曰。左

右卒射反位坐。委餘獲于中。司馬袒決執了升。命取
矢負侯如初。司馬降釋了反位。弟子委矢。司馬乘矢
如初。司射復位。釋獲者遂進取賢獲。執以升。自西階
盡階不升堂。告于賓。若右勝則曰右賢于左。若左勝
則曰左賢于右。若左右鈞則左右皆執一算以告曰。
左右鈞。司射適堂西。命弟子設豐。弟子奉豐。勝者之
弟子洗觶升酌。勝者皆袒決遂執張了。不勝者皆襲
設漆拾。卻左手。右加純了于其上。遂以執附。司射作

升飲者如作射。勝者先升堂。少者不勝者進北面坐。
取豐上之觶。興立平觶。坐奠于豐下。興揖三耦。卒飲。
賓主人大夫不勝。則不執弓。受觶以適西階上。北面
立飲。卒反就席。大夫飲則耦不升。若大夫之耦不勝。
則亦執弛弓。特升飲。乃撤豐與觶。薦脯醢折俎。司射
請射于賓如初。三耦拾取矢如初。賓主人大夫降揖。
如初。主人堂東。賓堂西。袒決遂拾取矢如初。三耦大夫
袒決遂執弓就其耦。揖皆進如三耦。大夫適序西。釋

子矢。漿升即席。衆賓繼拾矢。皆如三耦。司射去扑。
漿升。請以樂于賓。許諾。命樂正曰。請以樂于
賓。樂正東面。命大師曰。奏騶虞。間若一。樂正退及位。
乃奏騶虞以射。三耦卒射。主人大夫衆賓繼射。釋獲
如初。左右卒射如初。辨拾取矢揖。皆升就席。司馬命
弟子說侯之。左下綱而釋之。使二人舉觶于賓。與大
夫奠觶拜。賓與大夫皆席末答拜。主人適西階上。比
面請坐于賓。辭以俎。反命于主人。主人曰。請微俎。

賓許。弟子俟徹俎。賓降席北面。主人降席自南方阼
階上北面。大夫降席。東南面。賓取俎還授司正。送
之降。立于階西。司正以俎出授從者。主人取俎還授
弟子。弟子受俎降自西階。主人降自阼階。大夫取俎
還授弟子。弟子降自西階。遂出授從者。大夫送之降。
立于賓南。衆賓皆降。立于大夫之南。揖讓說饌乃升。
乃羞。無筭爵。無筭樂。賓興。樂正命奏陔。衆賓皆出。主
人送于門外再拜。

吳越春秋

射者其道甚微而易。甚幽而深。有門戶。有陰陽。開門
閉戶。陰衰陽興。凡手戰之道。內實精神。外示安儀。見
之如好婦。奪之如懼虎。布形候氣。與神俱往。杳之若
日。偏如騰兔。追形逐影。光若彷彿。呼吸往來。不及法
禁。縱橫逆順。直復不聞。斯道者。一人當百。百人當萬。
范蠡進善射者陳音。楚人也。越王請音而問曰。孤
聞子善射。道何所生。音曰。臣楚之鄙人。嘗習于射術。

未能悉知其道。越王曰。然。願子一二其辭。音曰。臣聞
弩生於弓。生於彈。起于古之孝子。越王曰。孝子
彈者。柰何。音曰。古者人民朴質。飢食鳥獸。渴飲霧露。
死則裹以白茅。投于中野。孝子不忍見父母為禽獸
所食。故作彈以守之。絕鳥之害。故歌曰。斷竹續竹。飛
土逐穴。之謂也。于是神農皇帝。剡木為弧。剡木為矢。
弧矢之利。以威四方。黃帝之後。楚有孤父。孤父者。生
於楚之荆山。生不見父母。為兒之時。習用弓矢。所射

無脫。以其道傳於羿。傳於蓬蒙。蓬蒙傳於楚琴氏。
琴氏以爲弓矢不足以威天下。當是之時。諸侯相伐。
兵刃交錯。弓矢之威不能制服。琴氏乃橫弓着臂。施
机設樞。加之以力。然後諸侯可服。琴氏傳之楚三侯。
所謂句亶鄂章人。號麋侯。翼侯。魏侯也。自楚之三侯
傳之靈王。自靈王之沒。射道分流。百家盡能。人莫得
其正。臣前人受之於楚。五世於臣矣。臣雖不明其道。
唯王試之。越王曰。弩之狀何法焉。陳音曰。郢爲方城。

守臣子也。教為人君命所起也。牙為執法。守吏卒也。牛為中將。主內裏也。關為守禦。檢去止也。錡為侍從。聽人主也。臂為道路。通所使也。弓為將軍。主重負也。弦為軍師。禦戰士也。矢為飛客。主教使也。金為實敵。往不止也。衛為副使。正道理也。又為受教。知可否也。縹為都尉。執左右也。敵為百死。不得駭也。鳥不及飛。獸不暇走。弩之所向。無不死也。臣之愚劣。道悉如此。越王曰。願聞正射之道。音曰。臣聞正射之道。一衆而

微古之聖人。射未發而前名其所中。臣未能如古之
聖人。請悉其要。夫射之道。身若戴板。頭若激卵。左足
蹉。右足橫。左手若附枝。右手若抱兒。舉弩望敵。翕心
咽煙。與氣俱發。得其和平。神定思去。止分離。右手
發機。左手不知。一身異教。豈況雄雌。此正射持弩之
道也。願聞望敵儀。表投分飛矢之道。晉曰。夫射之道。
從分望敵。合以參連。弩有斗石。矢有輕重。石取一兩。
其數乃平。遠近高下。求之銖分。道要在斯。無有遺言。

射書

卷四十二

越王曰。善。盡子之道。願子悉以教吾國人。音曰。道出於天。事在於人。之所習。無有不神。于是乃使陳音教士習射於北郊之外。三月。軍士皆能用弓弩之巧。

考工註

王昭禹曰。弓所以及遠者。其力在幹。弓所以疾發者。其勢在角。幹資筋以爲堅韌以射。其中深。三者得膠。然後相合以爲和。結而固之在絲。飾而堅之在漆。六材雖取以其時。苟其質不美。則不足相資以爲用。故得此六材之全。然後可以爲良也。夫材美工巧。不得天時。則不可以爲良。故弓有六材。而治之各以其時。是故幹欲堅而正固。故冬析之于幹堅之時。而析

之則其執和易也。角欲和而溫柔。故春液之于角和
之時而漬液之。則其氣浹洽也。筋欲散而解緩。故夏
治之于筋散之時而合之。則其理不煩亂也。膠漆絲
三者欲其成就而統寔。故秋合之于成材之時而合
之。則其質之不相離而相合也。冬至寒時膠堅。納之
藥中。藥可匣也。以定其往來之體。故體以完。張之不
復有流移也。又于大寒體堅時下于藥中折其漆。灑
後復納之。則漆灑欲其不動故也。其漆之灑已環。則

審定後不復鼓動也。被弭于春。俟一赫之久而後可用。

孔穎達曰。每弓百矢。弓十矢千。使其數備足。五十矢為束。臨戰則用五十矢。

初學記

弓

釋名曰弓穹也。張之穹崇然也。按世本揮始作弓。宋表注曰。揮黃帝臣。又孫卿子曰。倭作弓。墨子曰。羿作

弓。三說不同。

易所謂弦木為弧。剡木為矢。弧矢之利。

以威天下。蓋取諸睽。周官司弓矢。掌六弓四弩八矢之法。辨其名物。而掌其守藏。與其出入。六弓王弓弧弓夾弓。庾弓唐弓。大弓是也。中春獻弓弩。中秋獻矢。

箠及其頰之。王弓弧弓。以授射甲草。楛質者。夾弓。便弓。以授射豸。侯鳥獸者。唐弓。天子以授學射者。使者勞者。

又弓人為弓。取六材必以其時。六材既聚。巧者和之。幹也者。以為遠也。角也者。以為疾也。筋也者。以為深也。膠也者。以為和也。絲也者。以為固也。漆也者。以為受霜露也。凡為弓。冬析幹。而春液角。夏治筋。秋合三材。為天子之弓。合九而成規。諸侯之弓。合七而成規。

大夫之弓。合五而成規。士之弓。合三而成規。又孫卿
子云。天子雕弓。諸侯彤弓。大夫墨弓。三禮圖云。彤弓
天子所用。旅弓卿已下所用也。爾雅云。弓有緣者謂
之弭。今角弓以金者謂之銳。以蜃者謂之珣。以玉者
謂之珪。用金蚌玉飾弓兩頭。因取類以為名。釋名又
云。弓末曰簫。言簫稍也。又謂之弭。以骨為之。滑弭
也。中央曰弣。早主反。弣。撫也。所撫持也。簫弣之間曰
淵。宛也。言宛曲也。又說文云。彊。丁昆反。盡弓也。弣。

虛全反。角弓也。弧。木弓也。權。弓曲也。繅。舒招反。弓便利也。彊。烏郭反。弓急張也。弣。百生反。郤矜反。弓彊兒也。弣。一孤反。滿弓有所嚮也。韓詩外傳云。齊景公使人為弓。一人之妻曰。此弓者泰山南鳥號之柘。燕牛之角。荆康之弣。河魚之膠。四物者天下之精材也。周禮曰。凡擇幹之道七。柘為上。槐。檉。桑。楸。木。瓜。荆。次之。竹為下。

周易曰。弦木為弧。剡木為矢。弧矢之利。以威天下。爾

雅曰。弓以金者謂之鈇。以蜃者謂之玃。以具叙事。尚書曰。和之弓在東房。孔安國注曰。和。古之弓人也。儀禮曰。司射告賓曰。弓矢既具。有司請射。賓與大夫之弓倚于西序。矢在弓下。

箭

說文曰。箭。矢也。釋名曰。矢。指也。言其有所指向。迅疾也。又謂之箭。前進也。方言云。自關而東謂之矢。江淮之間謂之鏃。侯關西曰箭。郭璞注云。箭者竹名。因以

為號也。按世本牟夷作矢。牟夷黃帝臣名孫卿子曰。

浮游作矢。周官司弓矢掌八矢之法。八矢。一曰枉。二曰絜。三曰殺。四曰鏃。五曰矰。六曰第。七曰恒。八曰庠。凡枉矢絜矢利火射。用諸守城車戰。殺矢鏃矢用諸近射田獵。矰矢第矢用諸弋射。恒矢庠矢用諸散射。此八矢者。弓弩各有四焉。蓋枉殺矰恒。弓所用也。絜鏃第庠。弩所用也。釋名又云。凡矢本曰足。言其形似木。以下為本。以根為足也。又謂之鏑。敵也。言可

以禦敵也。齊人謂之鏃。鏃，旗也。言其所中皆族滅也。
關西謂之鉏。鉏，鉸也。言有鉸刃也。其末曰括。括，會也。
言與弦會也。括旁曰义。形似义也。其受矢之器以皮
曰箠。柔服之義也。織竹曰箠。相迫箠之名也。步义人
所帶以箭义於其中也。馬上曰韃。韃，建也。言弓矢並
建立於其中。

白虎通

天子所以親射何。助陽氣。達萬物也。春氣微弱。恐物有窒塞。不能自達者。夫射自內發外。貫堅入剛象物之生。故以射達之也。會文嘉曰。天子射熊。諸侯射麋。大夫射虎豹。士射鹿豕。天子所以射熊何。示服猛巧。倭也。諸侯射麋者。示達迷惑人也。麋之言迷也。大夫射虎豹者。示服猛也。士射鹿豕者。示除害也。各取德所能服也。侯者以布為之何。用人事之始也。本正則

未正矣。

天子射百二十步。諸侯九十步。大夫七十步。士五十步。明尊者所服遠也。卑者所服近也。

歷代武制攷

漢

漢興六郡良家子選給羽林期門以材力為官各將多出焉軍功多用超等大者封侯卿大夫小者郎漢制常以九月都試太守都尉令長丞相會都試課殿最東漢制立秋日自郊禮畢始揚威武官肄兵習射儀斬牲之禮名曰獮劉兵官皆肄孫吳兵法六十四陣名曰乘之

唐

武舉起於武后時。長安二年始置武舉。其制有長槊。馬射。步射。筒射。又有馬鎗。翹關。負重。身材之選。翹關長一丈七尺。徑三寸半。凡十舉。後手持關距出處。無過一尺。負重。負米五斛。行二十步。皆為中第。其武選兵部上之。課試之法。如舉人之制。取其軀幹雄偉。應對詳明。有饒勇材藝。及可為統帥者。若文吏求為武選。取身長六尺以上。籍年四十以下。強勇可以統人。

者。武夫求為文選。取書判精通。有理人之材。而無毀犯者。

宋

宋有武舉武選。咸平時。令兩制館閣。詳定入官資序故事。而未行。仁宗天聖八年。親試武舉十二人。先閱其騎射。而後試之。慶曆六年。策武舉。以策為去留。弓馬為高下。神宗熙寧五年。樞密請建武學於武成王廟。選文武官知兵者為教授。使臣未參班與

門蔭草澤人。召京官保任人材。多馬及格。聽入學。給食。習諸家兵法。教授纂次。歷代用兵成敗。前世忠義之節。足以訓者。講釋之。願試陣隊者。量給兵伍。在學三年。具藝業考試。筭第。推恩未及格者。逾年再試。凡試中三班使臣。與三路巡檢寨主。未有官人。與經略司教隊差使。三年無過。則陞親民。至大使。臣有兩省待制。或本路鈐轄以上。三人保舉堪將領者。並兼諸衛將軍。外任回歸。環衛班以尚書兵部郎中韓楨判。

舉內藏庫副使部固同判賜食本錢萬緡生員以百人為額科場前一年武臣路分都監文官轉運判官以上各奏舉一人聽免試入學生員及應舉者不過二百人春秋各一試步射以一石三斗馬射以八斗矢五發中的或習武伎副之策畧雖弓力不及學業卓然並為優等補上舍以三十人為額八年詔武舉與文舉同時鎖試以防進士之被黜而改習者高宗建炎二年兵部言應武舉得解免解人各召保

官齋公按赴部引驗於行在殿前司試弓馬訖就淮南轉運司別場附試程文。漢之。紹興十六年始建武學。兵部上武士弓馬及選試去留格。凡初補入學步射弓一名。若公私試步騎射不中。即不許試程文。其射格自一石五斗以下九斗。凡五等。上可其奏。因謂輔臣。國家武選。政欲得人。今諸將子弟皆恥習弓馬。求換文資。數年之後。將無人習武矣。宜勸誘之。乾道五年廷試。始依文舉。給黃牒。同正奏名三十三。

人榜首賜武舉及第。餘並賜武舉出身。上垂意武科。以授官與文士不類。詔自今第一人補果義郎。堂除。諸司計議官序位在槐宜之上。第二第三人保義郎。諸路帥司準備將領代還轉忠朗郎。第四第五人承郎郎。諸路兵馬監押代還轉保義郎。皆倣進士甲科恩例。四年又以文舉狀元代還例除館職。亦召武舉榜首為閣門舍人。五年御試得正奏名四十四名。始立武學。國子額收補武臣親屬。其文臣親屬願赴武

補者亦聽。七年。初立武舉。絕倫。并選軍法。凡願從軍者。殿試第一人。與同正將。第二。第三名。同副將。第五名。已上。省試第六名以下。並同準備將。選軍以後。立軍功及人才出眾。特旨擢用。上曰。武舉本求將帥之才。今前名皆選軍。以七年為限。則久在軍中。請練軍政。他日可備擢用。

寧宗初。復武科。鎖換令。

歷代兵制攷

袁黃

周禮天官王府掌王之兵器。內府又受良兵。而兵器入焉。秋官又入其金錫。為兵器之府。一以司藏。一以司造。職有攸分。夏官則有司甲司兵司戈盾司弓矢之屬。制無不備。秦人銷兵鑄而武備盡弛。漢興其在郡國則有庫兵。或置工官。庫兵以算賦為之。而工官鐵官同置於產鐵之郡。其在京師則有武庫。掌于中尉。而天子又有善盧考工室。善盧以藏兵器。考工室

以至作器械。皆以少府主之。是時邊吏拒寇者得賜武庫兵。邊兵不足者得賜工官兵。故李陵以連弩射匈奴。虞詡以強弩射羌。兵陳球之遠射千步。耿恭之毒藥傳箭。皆足以致勝。唐初置軍器監。後并入少府監。府兵之法。宿衛者各給弓矢橫刀。其介冑戎器皆藏于庫。有所征行則給之。開元中。擇宿衛勇者為番頭。習弩射。又有羽林軍飛騎。亦習弩。馬燧造甲。必為長短三等。最為得之。而蕭俛銷兵之議。何愚也。宋太

祖太宗留心武備。造兵器者十日一進。課功也。典兵器者十餘年不易。專業也。或幸了矢舍賜及作工。或幸軍器庫。加賞主史。勸職也。或作坊歲造凡三萬。或諸州歲造凡六百餘萬。厚積也。至慶曆武備弛矣。仁宗一意作新。既遣近臣分治軍器。又遣朝臣揀試兵器。而獨轅之弩。則得之郭諮。寨腳之車。則得之邵固。流星之弩。拒馬之牌。則得之米守信。及於熙寧在京師有監。有庫。在諸州有作院。而予則曰神臂床子弩。

則曰九牛八牛。箭則曰入陣減指。刀則名斬馬。鞍則名邊樣。甲則名偏挨。其法亦備矣。我朝凡軍器專設軍器局。軍裝設針工局。鞍轡設鞍轡局。時常簡點。若有缺廢。委官造補。遇有開支。奏聞分給。其外藩有司歲造之數。起送到部。辦驗交納。弓刀制度。以時加添。而火鎗飛礮。則古人所未備。開之兵所恃者在器。而器所用者貴精。據馬文昇疏稱在京守衛軍人。披帶盔甲。中不掩心。下不遮臍。葉多不堅。袖長不便。全

不合式。盛尤太重。京衛軍士。掌搃了矢。多是自置。弓力不過一二斗。矢長不過尺七八。平時尚不射遠。加以披甲在身。手不能舉。新開之弓。豈能開射。縱射不過數十步而止。其刀尤短小。亦無鋒刃。別無長兵。可以禦敵。雖有神鎗。習亦未精。一遇大敵。安得不敗。天下衛所成造軍器。除沿邊諸鎮外。其餘浙江福建江西河南山東南北直隸衛所軍器料價。多被管局官軍剋減。成造不堪。今以南京兵仗局一處言之。計該

局歲用生熟鐵一十一萬七千九百餘觔。木炭木柴四十餘萬。黃牛等雜皮三千三百餘張。翎毛觔角箭竹雜木約二十七萬。其餘水膠油漆等料。動以千百計。軍民人匠班匠共六百六十餘名。然所造軍器。但務充數。不計所用之不堪。雖有該部及科道委官。按季盤驗。不能一一周悉。况收貯之後。並不晒晾修葺。葺未五六年。箭翎多張多已脫朽。鎗刀衣甲亦多鏽爛。是以有盡之財。造無用之器。臨事而誤。悔何可及。

愚請查見儲軍器。許軍分給。而藏其餘者于官。分給則各知愛護。藏餘則應用不窮。所給者或壞。則許年告換。所藏者或損。則挨年漸修。又每歲軍局所造。必減其數。而責其精。有不堪用。則罪其主者。如此則軍器皆為有用矣。

歷代馬政攷

黃道周

軍政莫急于馬。故以司馬名官。周人立井田。制軍賦。四井為邑。四邑為丘。有馬一匹。四丘為甸。有戎馬四匹。兵車一乘。一同百里。提封萬井。定出賦六千四百井。戎馬四百匹。一對三百一十六里。提封十萬井。定出賦六萬四千井。戎馬四千匹。天子畿方千里。提封百萬井。定出賦六十四萬井。戎馬四萬匹。馬質掌質馬。量三物。一曰戎馬。二曰田馬。三曰駕馬。皆有物。

賈。細惡馬。凡受馬于有司。書其齒毛與其價。馬死則
旬之內更自之外。入馬耳。以其物更。其外否。馬及行。
則以任齊其行。若有馬訟。則聽之。禁原蠶者。校人掌
王馬之政。辨六馬之屬。種馬一物。戎馬一物。齊馬一
物。道馬一物。田馬一物。駕馬一物。凡頒良馬而養乘
之。天子有十二閑。馬六種。邦國六閑。馬四種。家四閑。
馬二種。凡馬特居四之一。趣馬掌贊正良馬。養其飲
食。簡其陸節。巫馬下士二人。醫四人。府二人。史二人。

賈二人。徒十人。掌養疾馬而乘治之。牧師掌牧地。皆有屬禁而頒之。庾人掌十二閑之政教以阜馬。圉師掌教圉人養馬。圉人掌養馬芻牧之事。以役圉師。漢制太僕掌輿馬。屬官有太廐。未央家馬三令。又車府路軫騎馬駿馬四令丞。又有龍門閑駒索泉駒駝丞。華五監長丞。其在民則勸民養馬。有一匹者復卒二人。居閑免三人之算。有事當三人之卒。此內郡之制。其在邊則縱民畜牧而官不禁。烏氏居塞則致馬數

千群。橋桃居塞。則致馬千匹。於時內郡之盛。則衆庶有馬。阡陌成群。邊郡之盛。則三十六苑分置西北。後數出師。馬大耗乏。自對君以下。至三百石吏。以次出馬。則內郡庶民之有馬者。欲望復卒難矣。又令民得畜邊者。從官假馬。母而歸其息什一。則邊郡之欲畜牧者難矣。又匿馬者有罪。有以列侯匿馬而腰斬者。有以民或匿馬。不具而長安令幾坐死者。故內郡不足。則藉民馬以補車騎。邊郡不足。則發酒泉驢駝。

負出玉門關。輪臺之悔。始修馬令。此漢牧于民而用
于官之制。唐起周隋亂離後。鳩括殘騎。得突厥馬二
千匹。又得隋馬三千于赤岸驛。徙之隴右。其官領以
太僕。其屬有牧監副監。監牧之制。始於此。尚乘掌天
子之御。左右六閑。總有十二閑。為二廐。曰祥麟鳳苑。
其後禁中。又增置飛龍廐。府兵之制。當給馬者。官與
其直市之。刺史折衝果毅。歲周不任戰者。鬻之。以其
錢更市。不足則府供之。此給錢以市也。至府兵漸壞。

兵資難致。乃給以監牧之馬。此給馬以用也。自貞觀
訖麟德。馬至七十萬餘匹。開元始命王毛仲為內外
閑廐使。此牧馬于官而給于民之制也。宋朝嘗於監
牧者曰官馬。散於編戶者曰戶馬。市於邊郡者曰戎
馬。騏驎有院。天駟有監。天廐有方。既置群牧司。又置
群牧使。此為內監牧之制。自河北至許州有十八監。
兩河陝西有都總管處。復置一監。太原交城。又復置
馬監。既委群牧司。又委守倅兼領。此為外監牧之制。

熙寧中安石變制。賦農牧馬。每一都限馬五十匹。十
五年而足。謂之保馬。郡縣苟附。不一二年而足。民病
已極。國用復缺。又求之戎狄。設茶馬之職。始易以銅
錢。次易以銀絹。戎人得茶。中國得馬。雖不求牧于官。
亦猶愈牧于民也。我朝兼用前制。在內地則散之民。
即宋戶馬之令。在邊地則牧之官。即唐監牧之制。在
川陝有茶馬之設。即宋戎馬之市。有御馬監。掌天子
十二閑。以供乘輿之用。凡立仗駕輅。皆以是畜之。其

牧放之地。則有鄭村等草場。其飼餼之卒。則有騰驤等四衛。國初都金陵。設太僕寺于滁州。後定北都。又設太僕寺于京師。凡兩淮及江南馬政。属于南。其順天等府。暨山東河南馬政。属于北。又每府州縣添設佐貳官一員。專管馬政。在外設行太僕寺于山西陝西遼東。凡三處。苑馬寺亦三處。陝西甘肅各轄六監。二十四苑。遼東僅一監二苑。又四川陝西立茶馬司五。以茶易之。皇朝國馬之制亦云備矣。

保馬說

勞堪

環堅接銳。騎不如步。逐利追風。步不如騎。山林積石。
經川丘阜。車騎二不當一。平原廣野。曼衍相屬。步兵
十不當一。古人有是較矣。然步易集。騎難集。步易養。
騎難養。人盡兵也。故步易集。馬昨廣字而素蓄之。百
金不可得一。故難集。一夫所食。終歲數鍾。故步易養。
一馬所秣。十車不能載也。故馬難養。然今所與戰者。
北虜也。虜恃馬力。我不可不用騎。所與戰之地。平原

也。虜便馳突。又不可不用騎。是故馬宜保也。夫國家
注意馬政久矣。日犂牧。日解俵。日給兌。日補買。而馬
日不足者。飼秣之實不盡耗失之科不明。地產之宜
不辨。生養之源不開也。一兵授馬。舉家乘之。甚至有
供爨具者矣。一將主兵衆裨役之。甚至有供送迎者
矣。芻牧之不備。水飲之不時。不稽之矣。甚至無芻菽
而給之金。曰兵自易也。金入兵手。既不妄用。有傾囊
易芻菽者乎。徵調之不時。馳驅之不法。不稽之矣。甚

至暗伏之所。無易故而分之商賈。曰與商賈自為交
子也。商賈析利秋毫。兵見小利。有不私他貨者乎。凡
此皆飼秣之實不盡也。家市之馬。失者不深罪。官市
之馬。失者不深罪。關兌之馬。失者又不深罪。是不明
馬所從來也。從戰六七歲失者。又不深罪。三四歲失
者。不深罪。一二歲失者。又不深罪。是不明馬所服役
也。瘟疫斃者。驕足。喘汗斃者。馳疾。癰疥斃者。捫機。羸
疥斃者。失餼。一皆不之問也。至若從征有期。或行役

半道稱馬斃者。奸人戕之以避戰陣。歸伍全身不重。
傷稱馬斃者。懦將棄之以餌敵。又皆不之問焉。是不
明馬所因蹢也。凡此皆耗失之科。不明也。胡種閑馳
突歸。正人之所將。時屬勢家。中產畏霜雪。關南之所
解。多給絕塞。又中產逢冬不厚其秣。遇雨不惜其險。
蹄距損傷。疴背且作。死者相繼。伍為之空。凡此皆地
產之宜不諱也。西北馬鄉也。有買補。無孳養。東南風
氣弱也。有給養。復有字息。出盜藉乘于敵也。厲禁以

禁之通貢遺我以利也。穀使以絕之。凡此皆生養之
源不開也。欲盡秣飼之實。在以肥瘠課將校。欲明耗
失之科。在以賠償懲行伍。欲辦地產之宜。在以遠近
科給配。欲開生息之源。在以稅糧為保馬也。是數者。
立法行之至易。獨保馬之法。宋人以為擾民。今時衆
咻旁指。不敢主議者也。愚則曰。國有至計。民有至神
政。有大機。時有大順。引而伸之。一轉移之間耳。夫塞
下田不少也。自軍隨身。官田種之外。皆有租于上者。

也。州縣曰稅糧。衛所曰地畝。糧數亦廣矣。然不過祿藩府廩兵而已。夫祿藩府廩兵所需者金與粟也。金至易得。粟次之。不與馬班也。今中州之費。可以裁而得金者何限。又邊塞不通舟楫。稔而和糴。得粟何限。移所得之金以祿藩府出所糴之粟以廩兵。不必取足于租也。而合郡縣之稅糧。衛所之地畝。糧行保馬之法。斯足馬矣。嚴其科。十石保一馬可也。寬其力。二十石保一馬亦可也。其嚴其寬。視租為較。而復准種

馬之例。以一資養之實。自春徂夏。為芻菽若干。自秋徂冬。為芻菽若干。兵民可自收授也。又准驛馬之例。以一資補之直。沒征歲久者。民全科。歲淺者。民半科。有故失者。兵全科。兵民宜均任其責也。然則官養不費。官直不損。可自足馬矣。食軍丁之義勇。以代步兵之雜役。出雜役之步兵。而配之馬。所謂不他求而步騎咸足也。步以乘塞扼要。伏之堡為衝虛。騎以掠塞追襲。絕之溪為邀擊。無不可也。

射賦

宋 祁

睽取星弧之象。樂著天駒之節。披虎落之圍。會麟定
之親。始講射侯之容。將明潔解之禮。天威粹健。帝表
胖正。彫弓栗筈。儼若看容。棲鵠畫正。若然命中。賦曰。
執徐統歲。少皞司秋。月著授衣之令。日紀吹花之游。
司射謹官。梓人庀具。飭虎進侯。張狸設步。匪崇旌以
虹拖。畫廣棚而雲布。并夾並儲。決拾相旅。我物孔揚。
我儀用光。剡矢薦于夏服。雕弓出于扶桑。采五施而

烈。暈。歌。九。節。而。升。堂。萬。乘。來。御。群。心。樂。康。弦。隨。月。上。
弓。與。天。張。舍。拔。則。供。應。弦。而。中。主。皮。割。其。已。徹。勁。羽。
飲。而。猶。動。駭。跋。烏。于。日。域。震。封。狼。于。星。冢。皇。衿。兌。說。
協。氣。雲。蒸。少。府。之。賜。錢。流。地。庖。人。之。割。肉。如。陵。軒。霞。
蕃。后。盤。石。宗。英。美。餐。的。之。希。代。咸。奉。觴。而。造。庭。射。之。
為。義。是。為。觀。禮。外。則。審。固。而。正。躬。內。則。雍。容。而。繹。志。
支。左。屈。右。之。能。項。發。口。縱。之。異。或。合。宴。序。賓。或。筭。多。
與。祭。公。用。隼。而。射。墉。觀。如。墻。而。揚。解。中。則。得。為。諸。侯。

爭有似乎君子。然特人臣之善容。未識我皇之射意。
若夫修五常為弓。矯百度為矢。總黎獻以植的。罄綿
區而除位。參天地之控引。順陰陽而張弛。一發則英
雄在弦。虛撫則蠻夷斷臂。豈徒鵠取難中之名。騶樂
庶官之備。

射賦

喬潭

搜董蒲幽羽之箭。獲燕角綠沉之弓。張望隴雲。徘徊
朔風。以為隼必獲于墉上。雀無全干。穀中乃臨乎澤。

宮陳其比耦。歌騶虞奏。狸首於是乎擇。素士張畫侯。
韜朱膊。捍韋鞞。既垂橐以弦弧。亦既箠而抽鏃。內審
其志。外專其目。釋思其平。去務其速。落殘月于象珥。
飛明星于金僕。聽之以氣。視之以神。秋毫如山。虱心
如輪。矢之所加。弦之所控。斯焉而發。騖然而洞。

射賦

楊弘貞

左鳥號兮。右青莖。睨七屬之甲。收百中之名。神馳手
敏。體正心平。始則一以貫之。將疊發不息。終則迭干。

徑也。俾合七而成穎。脫洞達。鱗差混并。旁穿而雀角。
非勁。深入而直。飛有聲。觀夫導蛟函。殺象弭。碁六以。
進。吾無間然。吞入之名。我異于是。知弦木之出。貫。
草為先。出一札而鋒鏖自利。踰百步而犀兕無全。虛。
其中。螳螂之衛。凌設稍其數。混沌之竅。齊穿。豈徒激。
白羽。開月弦。且韃橐既啟。美六材之定體。決拾將臨。
矜壹發于巧心。是誇妙捷。豈憚重深。疑疊翻之推頽。
猶驚飲羽。類縫裳之製績。尚謂紉針。

馬射賦并序

庾信

臣聞堯以仲春之月。刻玉而遊河舜以甲子之
朝。披圖而巡洛。夏后瑤臺之上。或御二龍。周王
玄圃之前。猶駢八駿。我大周之創業也。南正司
天。北正司地。平九黎之亂。定三危之罪。雲紀御
官。鳥司從職。皇王有秉曆之符。玄珪有成功之
瑞。豈直天地合德。日月光華而已哉。皇帝以上
聖之姿。膺下武之運。通乾象之略。啟神明之德。

夷興秩宗見之三禮。變為樂正。聞之九成。克已
備於禮容。威風總於戎政。加以卑躬菲食。卑帳
綈衣。百姓為心。四海為念。西郊不雨。即動皇情。
東作未登。彌迴天眷。兵革無會。非有恃於丹鳥。
宮觀不移。故無勞於白鷺。銀瓮金甌。山車澤馬。
豈止竹簞兩草。共垂甘露。青赤二氣。同為景星。
雕題鑿齒。識海水而來王。鳥戈黃皮。驗東風而
受吏。於時玄鳥司曆。蒼龍御行。羔獻冰開。桐華

澤合。皇帝幸于華林之園。玉衡正而泰階平。閭
闔開而勾陳轉。千乘雷動。萬騎雲屯。落花與芝
蓋同飛。楊柳共春旂一色。乃命群臣。陳大射之
禮。雖行祓禘之飲。即用春蒐之儀。止立行宮。載
舒帳殿。階無玉壁。旣異河間之碑。戶不金鋪。殊
非許昌之賦。洞院旣張。承雲乃奏。騶虞九節。理
首七章。正論五彩之雲。壺寧百福之酒。唐弓九
合。冬幹春膠。夏箭三成。青莖赤羽。於是選未汗

之馬。校黃金之埒。紅陽飛鵲。紫鷺晨風。唐成公
之驕驕。海西侯之千里。莫不飲羽。銜竿。吟猿落
鴈。鐘鼓震地。埃塵障天。酒以壘行。饋由鼎進。彩
則錦市俱移。錢則銅山合徙。太史聽鼓而論功。
司馬張旗而賞獲。上則雲布而施。下則山藏海
納。實天下之至樂。景福之歡欣者也。既弱木將
低。金波欲上。天顏惟穆。賓歌惟醉。雖復暫離北
闕。聊宴西城。即同澧水之朝。更是岐山之會。小

臣以管窺天。以蠡測海。盛德形容。豈陳梗槩。

歲次昭陽。月在大梁。其日上巳。其時少陽。春史司職。

青祗效祥。徵萬騎於平樂。開千門於建章。皇帝翔四

圍。千帝閑迴。六龍於天苑。對宣曲之平林。望甘泉之

長坂。華蓋平飛。風鳥細轉。路直城遙。林長騎遠。帷宮

宿設。帳殿開筵。傍臨細柳。斜界宜春。開鶴列之陣。靡

魚鬚之旗。行漏抱刻。前旌載薦。河湄籊草。渭口澆泉。

翔雲五色。的葦重圍。陽管既調。春弦寔撫。總章協律。

成均樹羽。翔鳳為林。靈芝為園。草銜長帶。桐垂細乳。
鳥轉歌來。花濃雪聚。玉律調鐘。金鐸節鼓。於是咀銜。
拉鐵。逐日追風。并試長楸之埒。俱下蘭池之宮。鳴鞭。
則汗赭。入埒則塵紅。既觀賢于大射。乃頒政于司弓。
變三驅而盡鹿。登百尺而懸熊。繁弱振地。鐵驪喙空。
禮正六耦。詩歌九節。七札俱穿。五犯同穴。弓如明月。
對棚。馬似浮雲。向埒。鴈失群而行斷。援求林而路絕。
控玉勒而搖星。跨金鞍而動月。乃有六郡雄才。五陵。

豪選新迴馬邑之兵。始罷龍城之戰。將軍戎服來參
武譙。尚帶流星。猶乘奔電。始聽鼓而唱籌。即移竿而
標箭。既而日下澤宮。筵開嬰圍。悵徙蹕之笛。歡春迴
鑾之餘武。欲使石梁銜箭。銅山飲羽。橫弧於楚水之
蛟。飛鏃於吳亭之虎。况復恭已無為。南風在斯。非有
心于蜚翼。豈留情于戟伎。唯觀揖讓之禮。蓋取威雄
之儀。

馬射賦

元稹

大司馬以馳射而選才。衆君子皆注目而觀。藝至張
侯之所。乃執弓而誓。曰。今皇帝製羽彀。以敷文德。
擇材官而奮武衛。莫不以超乘者為雄。中鵠者得祭。
用先才捷。志亦和平。以多馬為能。故以馬為試。以得
祿為美。故以鹿為正。豈獨武人之利。實惟君子之爭。
射者皆曰。諾。雖五善之未習。庶一舉而有成。為是馬
逸駿。士勇伍。益銳氣候。歌詩初聽采蘋之章。共
調白羽。次逞穿楊之妙。忽縱青絲。旁瞻突過。咸懼發

遲。曾驥足之展矣。翻猿臂而射之。揮手電掣。激矢風
追。方當耦象。決裂麗龜。唐爾摧班。示偏工于小者。安
然飛控。固無憂于殆。而信候蹄而不與。則舍拔之無
遺。故司射舉旌。以效勝。曰。爾能克備。我將可期。賈餘
勇者。宜乘破竹之勢。善量力者。當引負薪之辭。由是
靡不爭先。莫為我後。皆曰。措杯于肘。十得其九。叅明
試者。亦何嘗而不有破的之術。萬不失一。凡獻藝者。
豈自疑于無必。衝冠髮怒。揚鞭氣遒。引滿雷砰。騰陵

颺疾皆窮。百中之妙。盡由一孔而出。乃知來者之藝。
蓋由前人之匹。若此則躡甲杜滿。揚解觀孔。信一場
之獨擅。終六轡之末總。豈比夫浮雲迴度。開月影而
彎環。如雨橫飛。挾星精而搖動。雖當至理。不忘庸功。
天子垂衣。儼鴈行於北闕。夏官司馬。閱騎從於南宮。
貢士之程。職司具舉。會款塞五方之俗。觀校將百夫
之主。得雋為雄。惟能是與。星郎草奏。上獻拱辰之方。
天驕解顏。喜見射鵰之侶。客獨顧之而笑曰。此蓋有

身
三
司之拔萃。固非吾君之右。汝。我有筆陣與詞鋒。可以
偃干戈而息戎旅。司文者聞之而驚曰。爾其自勵於
爾躬。吾將獻爾於王所。

馬射賦

應 珩

於是陽春嘉日。講肄餘暇。將逍遙於郊野。聊娛遊於
騁射。延賓鞠旅。星言夙駕。樹應鞞於路左。建丹旗於
表路。羣駿籠于衡首。咸腰褭與飛兔。爾乃結翻倅。齊
倫匹。良樂授馬。孫臏調駒。籌算克明。班次均壹。左攬

繁弱。右接湛衛。控滿流睇。應弦飛碎。掃動鼓震。譟聲
雷。潰重破累。礮流景倏忽。紛紜絡繹。次授二八。驂騑
激騁。神足奔越。終節三驅。夫不虛發。進截飛鳥。顧推
月支。須紆六鈞。口彎七規。觀者屏氣。而傾竦。咸的企
而膝移。爾乃紫回盤厲。按節和旋。翩々神厲。體若飛
仙。奕々驂牡。旣信旣閑。楊驪沛艾。蟻略相連。

射詩

梁元帝

促宴引枚鄒。中國觀獸侯。日度珊瑚陰。廣風橫旗影。浮

送李善附猿騰可息。言送詩夜遊。

射詩

庾信

軒堂聊可習。仙的不難登。轉箭初辭筈。橫弓先望棚。
驚心一雁落。連臂兩猿騰。直如王濟巧。誰見魏舒能。
一心不死對。無葉未枯藤。擇賢方至此。傳危欣得朋。

咏弓詩

梁宣帝

虞人招不道。繁氏夕彌工。已悲軒主跡。復挹楚王風。

咏弓詩

唐太宗

上弦明月半。激箭流星遠。落鴈帶書驚。啼猿映枝轉。
詠弓詩

楊師道

霜重麟膠勁。風高月影圓。鳥飛隨帝輦。鴈落逐鳴弦。
弓銘

嵇含

鳥號之樸。豈條足理。弦孤走括。截飛駭止。射隼高牆。
出必有擬。既用禦武。亦以招士。

弓矢銘

李尤

矢之作。是自曩時。鄉射載禮。招命在詩。妙稱顧高。

幽都筋角

詩以殪兕。伐叛柔服。用畏不韙。

弓矢資

蕭

弓用筋角。大製良工。亦以觀德。非止臨戎。湯葉命中。
援墜張空。

終

後序

古射禮垂教天下。必序賢以程之。辨等以節之。誠矚乎治亂之原也。自矍圃教衰。士大夫罔知適從。習久生玩。習玩生奸。理固然耳。邇者四郊弗靖。羽檄交馳。聖天子有憂焉。爰

詔郡邑。復修射禮於澤宮。然倉卒鮮有應者。弱旣脫輻。強又僨轡。黠乃師心。闇且憇。是憂々乎其難之。將欲望其上馬殺賊。下馬草露布。惴々儒生。何可復

冀無已。請與言弓矢之制。選六材。辨七幹。調寒燠。審
緩疾。考工學。記載之甚詳。非臆也。而或者難之曰。樹
侯飲解。燕禮也。今試令書生踐戎馬。未有不色戰股
慄者。欲舍矢破敵。能乎。無已。請與言弓矢之用。膽定
則力張。識定則才見。能中五十步。五十步之內。敵弗
克至焉。能中百步。百步之內。敵弗克至焉。角弓其觥。
束矢其搜。式固爾猶。淮夷卒獲。夫非在泮之詩哉。而
或者又難之曰。器不與手調。雖烏號無以致遠。手不

與心調。雖離朱無以命中。漫與之嘗。其誰有濟。無已。請與言。弓矢之法。夫射於圃。與射於郊異。而其法則一也。有節有正。有獲有容。機至而巧力呈。將視伍如視耦焉。遇寇如遇鵠焉。奚分強弱為。攷其制善其用。嫻其法。而射之道備。况乎風會大防。禮實持久。不然。而射虎飲羽。神可感后。貫蠹如輪。明可察微。豈翳異人。彼后羿以日為鵠。小乙以天為鵠。晉侯以人為鵠。相率為亂。又豈翳異人。故等射耳。範之以禮。則治否。

則亂其原固甚鉅也。寧僅六藝之一哉。或且避席曰。敬聞命矣。鄧以采繫樂不失職士之分也。顧奉索韉以送。會顧子射書成。屬予圖式。遂序之。

社弟劉楷正平氏題於古香齋

後跋

夫射居六藝之中。昔之人所共習。沿至今茲。遂失其傳。龍門氏有禮書樂書。而獨無射書。銘栢氏起而補楮先生之所未嘗補者。蓋以明志也。文夫子志四方。為所有事。非桓桓武人。遂可語此。銘栢固文章自命。聲噪一世。將以射馬擒王。如昔君子軍為。

國家禦侮。豈細故哉。會書成。銘栢屬余曰。射固非俗子事。而又不甘以俗筆累其書。遂命穎君屬予董厥。

事。此予所大懼弗安也。嘗緣是書。得讀制科律令。曰
騎以觀其馳騁便捷。射以觀其中數多寡。書以觀其
筆畫端楷。煌、詔令何若是慎以重也。余益懼甚。
銘栢曰。鍾嶸書法。顏鄛字書。今既不講。縱衛夫人操
管於前。王右軍勒墨於後。誰其信之。是故書法之難。
難於盡神。其神浮躍於指端簡端。固不在區、筆墨
間。後事也。余乃慨然。司不律以應之。因以志其事。

古梁鴻溪逸史友第秦炯達夫甫謹跋

射法指南小引

記曰士命之射不能則辭以疾
無孤之義也古者君卿大夫士
相與燕則弓射相与祭則有射
射者文事也而武儒率以為武
入之子漫不究心其自錦為武

夫者又往之師其雄心猛氣以
馳驚于角勝之場庸志夫心雄
則易躁氣猛則易浮聖王之教
射也所以鎮躁而定浮也昔賈
大夫娶東而美三年不笑不笑
御以如鼻射雖獲之至要始笑

而言刑于之効捷收于俄頃豈
正、以朝中為雄其德莫精於
能審而志莫一於能固能審能
固是即為儒精一之心法也賈
大夫其善修己而大夫之妻其
善觀德也在禮有之為君者以

為君鵠為臣者以為臣鵠為父
者以為父鵠為子者以為子鵠
射也者各射已之鵠蓋內之以
正一已而外之以威天下如孟
氏所云有不忍之道焉忍則為
蒙與羿不忍則為張睢陽岳武

穆之倫。忍則為許田之射。鹿不
忍則為秦西巴之放。麋是在君
子之反求而已矣。余以骨脆筋
弱。未能挽強。間與友人楊遠孺
邵培之偶一習之。始信省括之
水。具含精義。所謂跡靜跡定而

正邪立判良有以也遠觀貌怡
神定似有道者終靜之解自能
致遠洞庫貫風特其刺枝耳經
史之暇復輯射家要法以為初
中司南以示吾夫子相國之遺
教也夫法由心生心以法正來

有無法而可以法者習射者
從茲編悟入則治身治心思過
半矣

晉山迂士許鼎臣書于聊復
齋

後跋

射之至微遠乎中微、非弱、非
心非目、則有射焉、不可以
求、不可以力
射乃此謂微也、莫微於心、法之、所
折、此謂微也、莫微於心、法之、所
後、可以治象、先治象、而後、可以
善、既到、巧思、濟、微、而心、應、手、自、臻、神
境、微乎、一、毫、丁、之、射、牛、如、目、中、全、牛、矣
無、而、之、画、竹、也、胸、中、成、竹、進、手、拉、矣、射

之理靡而實初非有本體之實也乃無實
此神神之法有云氣臨者不而心中
心神恍惚此不而心中是皆深及矣領
之也也多儒學問不而回存其心之善
清然之氣而射以觀德反求其然
歸有是云云其視多儒學問將無同
乎余書生素不長於從逆而後為利
藉之言即從許定于先生論定之得偶
竊一斑因取此法之簡易者始為指出

以示同好。但法不足於此。而又不見于
法神之所存乎其人。且可多乎。秋
人心競奮。以稱挽。躍破的。考慮。服。三也
或。少。法。義。言。問。以。習。何。處。法。得。已
意。外。所。知。多。朱。叔。明。台。心。之。士。明
多。不。失。法。神。比。衆。之。意。云。可。

楊惟明遠贈公書

射學指南目次

△ 弓考

△ 箭考

△ 弦

△ 決

△ 執弓

△ 搭矢

△ 鈎弦

△ 身法

△ 足法

△ 手法

△ 眼法

△ 臨射

△ 射後

△ 訣

△ 病前手後手

馬射

射學指南

蘭陵

許鼎臣論定

同社

楊惟明編輯
邵元植參閱

步射有法有引

甘蠅古之善射者彎弓而獸伏鳥下以此法授
弟子飛衛而巧過其師紀昌學射于衛曰視
大如小視微如著而後告我昌以眇矐垂懸于
牖上南面而望之旬月之間浸大也三年之後
如車輪焉乃以燕角之弓朔蓬之簳射之貫虱
之心而垂不絕由此觀之雖至巧必從漸生射

惡可無法也、古人習射、但求合法與否、而的之中否、有所不計、豈不欲中哉、蓋得法者、自然命中、此又何必計矣、

△ 弓考

學者皆曰、弓不知何段、是弓、弓心包在弛內、不見軟手、皮名曰弛、近弛八分、名曰弛眼、近弛眼一寸二分、便是弓、近弓二寸、名曰闊、近闊一段、名曰回、火、近回火一段、名曰腦、近腦一段、名曰虛火、近虛火一段、後是枕、皮枕下一段、為琴弦、琴弦外曰蛾眉、靠蛾眉即扣、內綠皮曰耐磨。○凡學射、先須擇弓之稱手者、

若手強弓弱則手欺弓，強手弱則弓欺手，皆所不可。然初學寧使手有餘力。○買弓須擇其胎直筋舒膠勻乾透角面老便是良弓。體段但新弓須張而調之，偏者使歸于正，斜者使歸于平，曲者使歸于直。如病在弛則以火調弛，病在閃則以火調閃，病在腦則以火調腦，或以刀鏟之又或以兩手開其腦，兩膝制其閃，皆可更宜烘焙得法安置平正。

△ 箭考

學者皆曰箭不知何段是箭，皆曰頭上是鏃，不知何段是鏃。鏃露在外者名曰鏃頭，包桃皮內者名曰鏃。

鏃近枕皮一寸二分便是箭最要堅硬近箭一段細
者名曰小肚近翎毛一段粗者名曰大肚翎毛空處
謂之翎眼搭弦處謂之扣○凡箭須看其幹不頭大
尾小不此輕較重其扣不緊不蕩其翎且整且固然
後用之亦須與弓相稱弓重則矢亦重弓輕則矢亦
輕若矢輕于弓則必跳躍矢重于弓則又沉而難到
矣亦宜烘焙得法安置平正

弦

凡弦太長則慢而無力太短則木而不發粗細

通中

△ 決俗名節機

決以輕而薄者為佳，又貴不寬不緊，著決須近虎口。若在近指甲節上，則通弦太緊，入于拳矣。

△ 執弓

弓弛上段可留六七分通矢，即以掌心頂弛，猶如握卵，不可橫把。若橫把，則指不着力，把持不固。每打袖第三四五指，指緊，擊弛大指，悉力追進，壓着中指。第二指豎起，指尖點在弛前之上，不可伸出，蓋食指點弛，亦有扶助之力，而不伸出，斯無碍弦之病。近來人多四指提拳，雖非正法，苟能熟之亦可。○初學宜

將弓每三空張併習容止空張既熟容止亦端乃可引弓若遽然引弓發矢則力不出心又亂諸病難除矣

△搭矢

先看單翎在上即入扣須前手低四五分後手高四五分若前高後低則發矢多至播天而不能水平然亦顧人力之強弱何如力強自能遠到後手宜高力弱而後高矢不到把矣又須放平此宜時三酌量

△鉤弦

後手大指鉤弦將食指鉤大指然食指尖須直向于

下若橫斜則弦有碍而矢偏于右矣食指內節一直
傍矢不可太過蓋惟傍矢則矢不落架而不太過則
矢不右曲或以中指鉤大指而直伸食指傍矢又或
以食中二指鉤大指名曰雙鉤此亦各從其便耳

△ 身法

身勢大槩有二全身壁立引弓謂之大架蹲足直腰
引弓謂之小架塲中各從其便惟射賊宜于大架引
弓便射賊不及避也然要端身如幹直臂如枝身
前練為猛虎方騰額前臨為封兕欲闢出弓梢為懷
中吐月平箭筈為弦上懸衡

△ 足法

立脚須不丁不八。前脚趾一直對靶。仍直挺勿曲。后脚曲而向前。不但無突髻之病。且有腰力。故曰前腿似樞。后腿似癆。隨箭改移。在于後脚。射左改右。射右改左。若開把左一尺。后脚那後半寸。開把右二尺。後脚那前一寸。決無東西之失矣。

△ 手法

前手一定在頤間。又要與前肩平。上下一些子。俱不准。後手一定在右乳上一線。太上也不准。謂之懸肘。太下也不准。謂之夾肘。不上不下。如抱嬰孩。○法曰。

前手如托泰山言其用力推弓也。後手如拔虎尾言其一拔就出也。○前手貴擎。後手貴掣。擎者拂也。發矢之時對的拂去。弓稍直指的中央。若稍過其的便不是矣。掣者掣也。言斷絕也。放箭之時後手一掣五指齊力如側手打物狀。必須臂彎夾緊。謂之壓肘。又將虎口朝天。謂之仰腕。其主撐平。望後輕。一丟。手心轉向于後。名曰獻掌。即仰腕也。一箭發時則必摩其梢。主的主壓其肘。仰其腕。方合法。○前手虎口微鬆。下三指輕托。○右手扯弦。屈名小二指。爬入掌心。若爬之不力。則發矢亦無力。○射大存于小。謂

將前肘連肩收進則手自下箭自不大射小存于大
謂將前肘連肩少出則手自高箭自不小那移在腰
膝有肘之間非以拳上下也

△△眼法

凡射六十步拳對把子中心七十步拳對把子頭頸
八十步拳對把子頭上務用目力諦視○須知箭在
弓右視在弓左箭在于手視在弓的若視箭則不中
矣○把大架接把外看把小架接把內看○側身對的
初起時雖當面扯弓滿之際身已一直不宜復側
轉頭來兩眼齊望把必須右眼斜視左眼左眼斜視

即治
氣之法

把上紅月。總是看法。

臨射

傳曰：怒氣開弓，息氣放箭。蓋怒氣則力雄而引滿，息氣則心定而慮周。○法曰：慢開弓，緊放箭，慢有審之意，緊不至于吐。與怒氣息氣之說並行而不悖也。○發矢先兩眼凝神覷定，左手提弓，臂肩皆轉向于前，與身一直，執弓碍眼，直挺如拒，牢不可動。右手拉弦，頻傍耳邊，扯來，慎勿挨胸摸奶。後手及後肩與前臂前有一直如線，見得弓滿，又舉正對月中，即着力一擡，蓋自持弓之時，即當審固，及至滿而將發，最要倍

會宜此全方
理尤在泰

加精神愈審愈固。務求滿而又滿。正而又正。斯必至
必中矣。然太遲。久及至。臂力耗散。發矢無力。又所當
知。○發矢之時。要兩手齊分一擊。一擊不輕。不重。無
先。無後。則矢疾而不偏。若中箭多在的之左。必前手
用力之過多。在的之右。必後手用力之過。然前手之
分。必自有而臂而拳。一齊進力。始得。若止用拳力。非
大。即開矣。○射時。遇左風。則迎左。遇右風。則迎右。未
為非法。要之一遇有風。只須前手極力一擊。後手極
力一擊。則矢之去也。寔而不虛。雖有風。不能為之動
矣。何必迎左迎右乎。○用力有先後。有微驗。開弓之

始。前臂着力。將滿之際。兩臂齊力。則胸前骨開。持心肉緊。若胸背無徵。必臂力未齊也。○初扯弓。兩臂少曲。不可展盡。前肩畧養在後。不可盡出。待弓滿方可出。若未滿先出。全無牽換之妙。訣曰。牽弦須用緩換。有謂之死肩非法也。○射時。手足臂目各有定位。如以的為主。前拳對的。目在拳之上。的之下。前臂在目之下。前足在拳之下。箭在額之下。後手在右乳之前。如繩之直。爲可也。○所謂入轂者。謂引弓至拳間。一直如線。後手已盡。不能復來。其鐵恰到指上。此便是轂。若臂有未直。鐵已上指。亦未是轂。當更用長箭。若

肩臂已直後手已盡，鏃未上指，便當用短箭，又不可
 于引弓之初，先將前手挺直，後手又不能拽開，至于
 脅下而止，便以鏃上指為殺。此又大不是矣。○弓稍
 向前畧斜，不橫不豎，為斜月之狀。失去無開左之病。
 ○射要遍身用力，而無用力形狀，不動容，作色不矯。
 手損足。○場中，以從容審決為主。射賊以敏捷神速
 為主。然從容中不可無敏捷，敏捷中不可不從容也。
 中須協天時，調弓矢，勝不驕，敗不怒，心和氣平。
 射心專志一箭，求弊，虚心納善，發矢不易。
 中大抵以久熟為妙。○生手不可必中。

為心
主氣

得
力

弓強矢輕，弓弱矢重，不可必中。手生不可必中，氣驕志息，心神恍惚，不可必中。好勝之心，甚怯懦之心，生不可必中。見已之病，不改，不可必中。射多力，疲，不可必中。發矢有平衡，上把空中止，見一點黑子者，有臨及把勢，若欣躍而鏃頭向上者，此乃力與法俱全，為上乘之技。箭頭從上而下，能延進二三十步，不離把子者，亦不失為射法。若描高入雲，從空墮地，即有一二上把，亦偶中耳。何法之有？

射後

發矢之後，須觀其落頭何如，或中或不中，或大或小。

處止
在此

即治
心之法

或開左或開右其大也得無所主大高乎搖矢太平
乎其小也得無矢不滿乎前後手欠力乎或搖矢太
高乎其開左開右也得無所主欠中乎前手搖動乎
食指鉤弦窒碍乎或左風右風乎或後脚過左過右
乎仔細存想識出一病即改一病處既除則妙處
自生○每日早夜間思已之得失處又思人之得失
處而學于已而改于已沉潛反覆精思妙悟自然得
心應手○閑常要凝眸定目先望五十步外漸及百
步外以一物作准看得其中明明白白久之精光注
射天巧自生○手臂時時對柱挺直使之堅固

前已
格載
其說
此其
德括
也然
爲同
二字
可殺
二十
字之
義

訣凡二十

引控容拒握習殺勢舉壓分寔擊學慎察調閑審固
引者引滿而後發也控者扣弦得法也容者容止
安和也拒者推弓使出也在臂肘間用力握者把
持之固如握郛也習者平時演手法也殺說見前
勢者體勢莊重也舉者提其前手也的遠箭短則
可壓者存其前手也的近箭大則可分者即擊準
齊分之謂寔者辣而疾也擊學說見前慎者小心
用法也察者較量其得失也調者弓矢相得也閑
者從容暇豫也審主心固主力然二字相因不可

議出
一病
因除
却一
病

分用也、

病凡九

順旁引頭低垂胸前凸背後偃縮肩聳肩懸肘夾肘
摸奶旁引者全面兩眼齊望把子也頭頸不直故
垂胸不欲藏故凸上身用力下身不用力則髻望
後聳起致有背偃之病縮肩者肩不出也聳肩者
肩早出也後肘高于前肩曰懸肘在前胸肋下曰
夾二說見前摸奶者扯弦緊靠胸膛也

前手七病

張挑繁嫩老鬆彎張者前手一忽有似打彈之勢箭

必往東挑。若下掌際虎口鬆放箭時望上一攪。築者後手鬆出箭時虎口望下一搥。嫩者手腕彎在把內。箭多開東。老者手腕托過于弛弦多打袖。鬆者肩臂不用力。放時拳又不緊。彎者肩不出肘。與腕亦不直。

後手七病

懸逼擊遲速吐刺懸即懸肘之說也。逼者食指靠緊扣逼得箭彎。則開西者多。擊者不露鳳眼死。紐緊致弦俱彎。擊與逼在弦箭上分別。遲者過于審速者不及審。吐者欲就前手而放箭。夾詳不辣也。

剩者扯不餒錄未上指也

馬射法有引

唐堯時有名羿者善射以馬箭誅九嬰殺揆榆
死為宗布人皆祀之后羿慕其為人學于張父
吉甫馬射無脫矢逢蒙盡得其祕而漢李廣之
走匈奴唐薛仁貴之定天山俱取勝于騎射則
騎射為世所重厥有由矣故其為法又不可以
不講也但比之步射稍易不及致詳耳

馬射須調習其馬先慢行次緊行然馳驅之法宜
坐不宜跼坐宜以兩膝夾緊鞍頭不宜以兩足踏緊

脚鏝宜以身撲向于前不宜直挺在上宜左身右足
向前不宜平身平足向前○一上馬即將矢扣弦待
馬上路即按韁提矢聚精會神目不瞬氣不急端開
弓快放箭只是對鏝而發無有不中然其法有初把
分鬃中把對鏝末把抹揪平時宜預習之弓比步弓
稍軟若射賊只用步弓須待近三四十步方發
遠則難中而難殺人也